

Pulmonary Stenosis

Setshwantsho:


1. Stenosis sa balofo ya pulmonary.

Tlhaloso:

Ke eng?

Ho na le thibano phallong ho tswa pelong ho ya matshwafong. Balofo e peiping e pakeng tsa pelo le matshwafo ha e a tlwaeleha. E tenya mme ha e bulehe hantle, ka lebaka lena madi ha a kgone ho phallela matshwafong ka thello. Ka lebakala hore balofo ha e a tlwaeleha mme hape hangata e a dutla – e leng ntho e dumellang madi ho phallela morao ka hare ho pelo ho ena le ho ya matshwafong.

Thibano nakong tse ding e ka tlase ho balofo kapa ka hodimo ho balofo. Thibano ya balofo ke e nngwe ya mathata a tlwaelehileng a pelo a fumanwang baneng.



Ditlamorao tsa yona ke dife?

Ngwana ya nang le bothata bona hangata ha a bontshe matshwao, ha thibano e le mpe ngwana a ka hema ka pele, a ba le mathata a ho ja, mme a kgathala habobebe.

Lehlakore le letona la pelo le lokela ho pompa madi ho feta balofong e thibaneng, ho etsa sena e lokela ho pompa ka matla ho feta tlwaelo. Sena se baka hore pelo e ka lehlakoreng le letona e be tenya, qetellong e a kgathala mme ha e sa kgona, sena se bitswa ho hloleha ha pelo e ka ho le letona.

E alafuwa jwang?

Ha thibano e le e sesanyane feela ha ho hlokehe hore e phekolwe, empa e hlahlojwe nako le nako. Empa ha e se e nyane e ka nna ya phekolwa ka balloon. Balloon e fetiswa ka peipi ho tswa leotong, e kene ka hara pelo, e fete balofong e thibaneng. Jwale e a butswelwa, mme e bula balofo e thibaneng.

Nqe nngwe oporeishene e a hlokeha ho thibolla ho thibana ho teng. Ha thibano e le ka hodimo kapa ka tlase ho balofo hangata ho hlokeha oporeishene.